



ՍՈՎԵՏԱԿԱՆ ՀԱՅԱՍՏԱՆՈՒՄ

ՀՈԳԱՏԱՐՈՒԹՅՈՒՆ ՍՈՎԵՏԱԿԱՆ ՆՈՐ ՔԱՂԱՔԱՑԻՆԵՐԻ ՆԿԱՏՄԱՍԲ

ԿՈՏԱՅՔ.— «Արարատ» տրեստի Կոտայքի սովխոզում անցյալ տարվանից սկսված է բնակելի նոր շենքերի կառուցումը հայրենադարձ հայերի համար: Մինչև այժմ ավարտված և օգտագործման են հանձնված 13 շենք: Մինչև տարվա վերջը կավարտվի ևս

3 շենքի կառուցումը: Բացի այդ, սկսված է նաև 5 նոր շենքի շինարարությունը: Նորակառույց գեղեցիկ բնակարաններում ներկայումս բնակվում են 42 ներգաղթած ընտանիք

Արաբկիրում ավարտվում է արտասահմանից վերադարձած հայերի համար կառուցվող 3 երկհարկանի և 2 միահարկանի տների շինարարությունը: Երկհարկանի տները ունեն 15-ական ընդարձակ սենյակներ, իսկ միահարկանները՝ 6-ական սենյակներ:

Սենյակների մի մասը արդեն բնակության է հանձնված սովետական նոր քաղաքացիների ընտանիքներին: Ավարտվում է պատերի կառուցումը ևս մի երկհարկանի տան:

1948 թվի առաջին եռամսյակում լայն ծավալ կրնդունի արտասահմանից հայրենիք վերադարձած հայերի սննդատական բնակարանային շինարարությունը: Աշխատավորների ղեկավարողների Երևանի քաղաքային Սովետի գործկոմը անհատական բնակարան կառուցողների համար 1080 կտոր

հողամաս է առանձնացրել Նորքում և 880 կտոր հողամաս էլ Բերիայի անվան շրջանում: 40 կտոր հողամաս էլ առանձնացվել է քառաբնակարանային տների կոռկտիվ շինարարության համար: Ընդամենը այդ տները կունենան 350 բնակարան:

ԱՆԱՎԵՐԴԻ.— Շրջկենտրոնից Սանահին կայարանը տանող ճանապարհի վրա, ձորակի բացվածքում կառուցվել են մի քանի տասնյակ գեղեցիկ երկհարկանի շենքեր: Այստեղ բնակվում են արտասահմանից հայրենիք վերադարձած մի խումբ հայ ընտանիքներ:

Օրերս Ալավերդու ջրմուղի վարչությունը

Աղարակ-Ալավերդի ջրմուղից 1,5 կիլոմետր երկարությամբ նոր ջրմուղ անցկացրեց, որով այդ թաղամասը և հայրենադարձներն ապահովվեցին խմելու մաքուր ջրով:

Մոտ մեկ կիլոմետր երկարությամբ նոր ջրմուղ է կառուցված նաև Լենինյան հանրերի բանվորական ավանում:

ԿՈՏԱՅՔ.— Քանաքեռում կառուցվում է կոշիկի նոր ֆաբրիկա, որը իր առաջին արտադրանքը կտա 1948 թվի հունվար ամսին: Ֆաբրիկայում աշխատում են Ֆրանսիայից

ներգաղթած հայերը: Հետագայում, մի քանի ամսից հետո ֆաբրիկան օրական կարտադրի հազար զույգ կոշիկ:

ՀԱՅՐԵՆԱԴԱՐՁ ՍՏԱԽԱՆՈՎԱԿԱՆՆԵՐԸ

— Հնդամյակը կատարել չորս տարում:

Այս նշանաբանով են աշխատում գյուղգործիքների գործարանի բանվորներն ու ինժեներա-տեխնիկական անձնակազմը: Առաջավոր ստախանովական բանվորները մտահոգված են ոչ միայն իրենց պլանները ժամկետից շուտ կատարելով այլ և տեխնիկական նոր կատարելագործումների, աշխատանքը հեշտացնելու և երիտասարդ բանվորներին օգնելու ու նրանց առաջավորներին հասցնելու գործով: Այս խնդրում առանձնապես աչքի ընկավ գործարանի ստախանովական խառատ Ս. Չոբանյանը:

Չոբանյանի և մյուս առաջավոր բանվորների օրինակով սկսեցին աշխատել նաև գործարանի հայրենագարձ բանվորները: Հայրենագարձ բանվորները, սովետական այդ նոր քաղաքացիները, սկսեցին յուրացնել սոցիալիստական աշխատանքի առաջավոր մեթոդները և աշխատել ստախանովականորեն: Գործարանի հայրենագարձ բանվոր Ա. Արաբյանը 9 ամսվա ընթացքում կատարել է

2,5 տարվա նորմա: Հոկտեմբերյան Մեծ տոնը նա դիմավորեց 3 տարվա պլանը կատարած: Արաբյանի հետ մրցում է նաև իր փոքր եղբայրը՝ Ժիրայրը, որը գործարանում աշխատելով հասել է չորրորդ կարգի վարպետի աստիճանին: Նա իր նորմաները կատարում է 200 տոկոսով: Աչքի է ընկնում նաև Մ. Խաչոյանը, որը 8 ամսում կատարել է 2 տարվա առաջադրանք: Մեկը մյուսի հետ մրցելով առաջավորների շարքին նա անցել եղբայրներ Լևոն և Հարություն Ռովյանցները: Նրանք իրար շեն գիշում և պլանները միշտ կատարում են միատեսակ, բարձր ցուցանիշներով:

Գործարանը հանդիսանում է նոր կադրեր պատրաստելու լավագույն դպրոց: Կարճ ժամանակ է, ինչ հայրենագարձ Հ. Չարուսյանը աշխատանքի է ընդունվել գործարանում, բայց առաջավոր վարպետների օգնությամբ այժմ իր պլանը կատարում է 220-230 տոկոսով:

ՀԱՅՐԵՆԱԴԱՐՁ ՀԱՅՐԻ ԲՐԻԳԱԴԱՆ

ԿՈՏԱՅՔ. — Արտասահմանից հայրենիք վերադարձած Չաթալյանների ընտանիքը, կազմելով մեկ բրիգադա, որպես բետոնագործներ աշխատում են Գյումուշգեսի շինարարության Լյառի տեղամասում: Նրանք մեծ սիրով ընդունեցին լենինգրադցիների հայրենա

նասիրական կողը՝ հնգամյա պլանը չորս տարում կատարելու մասին: Լայն ծավալելով սոցիալիստական մրցույթունը, այժմ բրիգադան օրվա առաջադրանքները շարունակ կատարում է 250—300 տոկոսով:

ՀԱՅԿԱԿԱՆ ՍՍՌ ՄԻՆԻՍՏՐՆԵՐԻ ՍՈՎԵՏՈՒՄ

1948 թվի սեպտեմբերին հայկական Նոր գրականության հիմնադիր Խաչատուր Աբովյանի մահվան հարյուրամյակը յրանալու կապակցությամբ Հայկական ՍՍՌ Մինիստրների Սովետը այդ տարեթիվը նշանավորելու համար կազմեց հորձլանական հանձնաժողով հետևյալ կազմով. նախագահ՝ Ն. Կարապետյան, նախագահի տեղակալ՝ Հր. Քոչար և անդամներ՝ Ավ. Իսահակյան, Վ. Համբարձումյան, Զ. Գրիգորյան, Գ. Դեմիրճյան, Գ.

Ալբալյան, Գ. Բորյան, Ս. Սողոմոնյան, Հ. Մամիկոնյան, Գ. Բեբուտով, Ե. Վարդանյան, Հ. Պողոսյան, Ա. Տերտեբյան, Մ. Մկրտչյան, Ստ. Զորյան, Հ. Սիրաս, Գ. Աբով, Գ. Սարյան, Ն. Զարյան, Ս. Մարյան, Ռ. Հովհաննիսյան, Գ. Դոմբաև, Ա. Բաբայան, Ա. Սարգսյան, Ա. Ղազարյան, Ա. Հովհաննիսյան, Հ. Մկրտչյան, Ա. Մնացականյան, Ռ. Զարյան, Ա. Շահինյան, Ս. Գասպարյան, Հ. Ստեփանյան:

ԽԱՉԱՏՈՒՐ ԱՐՈՎՅԱՆԻ ՊՈՐՏՐԵՆ

Նկարիչ Ա. Ավետիսյանն ավարտել է Խ. Աբովյանի պորտրեն, Նկարիչը յուզաներկով գծել է հայ ժողովրդի սիրելի գրողի կերպարը: Նկարիչն իր առաջ խնդիր էր դրել — բացահայտել մեծ լուսավորչի կերպարը նրա ստեղծագործական գործունեության

ժողովման ժամանակաշրջանում:

Ներկայումս նկարիչ Ավետիսյանը աշխատում է «Աբովյանը երեսնների հետ» կոմպոզիցիոն նկարի վրա, որը պատկերելու է մեծ գրողին բնության ծոցում՝ երեսանների շրջանում:

ՀՈՐԵԼՅԱՆԱԿԱՆ ՓՈՍՏԱՆԻՇՆԵՐ Խ. ԱՐՈՎՅԱՆԻ 100-ԱՄՅԱԿԻ ԱՌԹԻՎ

Հայ մեծ դեմոկրատ-լուսավորիչ Խ. Արով-յանի մահվան 100-ամյակին անցկացնող հորելյանական հանձնաժողովը Մոսկվայից հաղորդագրություն է ստացել, որ ՍՍՌՄ

կապի Մինիստրությունը 1948 թվին լույս է ընծայելու փոստանիշներ Խ. Արովյանի նկա-րով:

(ՀՀԳ)

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅՈՒՄ

ԶՐՈՒՅՑ ԱԿԱԴԵՄԻԱՅԻ ՊՐԵԶԻԴԵՆՏ Վ. ՀԱՄԲԱՐՉՈՒՄՅԱՆԻ ՀԵՏ

Նոյեմբերի 26-ին Հայկական ՍՍՌ Գիտու-թյունների Ակադեմիայի նիստերի դահլիճում բացվում է Ակադեմիայի ընդհանուր ժողո-վը՝ նվիրված Հոկտեմբերյան Սոցիալիստա-կան Մեծ Ռեւոլյուցիայի 30-ամյակին:

Հայկական ՍՍՌ Գիտությունների Ակադե-միայի պրեզիդենտ Վ. Համբարձումյանը ՀՀԳ-ի թղթակցի հետ ունեցած զրույցում հայտնեց հետևյալը.

«Հայկական ՍՍՌ Գիտությունների Ակադե-միայի ընդհանուր ժողովի նիստերում լավելու են մի շարք զեկուցումներ՝ հասարակական, ֆիզիկո-մաթեմատիկական, բնական, տեխ-նիկական և բիոլոգիական գիտությունների գծով: Նիստերը տևելու են չորս օր:

Ժողովի առաջին նիստի զեկուցումները նվիրված են Հոկտեմբերյան Սոցիալիստա-կան Մեծ Ռեւոլյուցիային, սովետական կարգե-րի հաստատմանը Հայաստանում և սովե-տական հայագիտության հիմունքներին: Հա-ջորդ նիստերում հանրագումարի են բերվելու Ակադեմիայի ջրա-էներգետիկ ինստիտուտի գիտնականների և գիտական աշխատողների երկարամյա ուսումնասիրությունների արդ-յունքները՝ Սևանա լճի, Զանգվի և Արաքսի միջին հոսանքի ջրերի օգտագործման վիճա-վոր պլանն ավարտելու կապակցությամբ, ինչպես նաև լավելու են զեկուցումներ բիո-լոգիական գիտությունների բնագավառից:

Սեսիայում գրված զեկուցումները գրանո-րում են Ակադեմիայի գիտական հաստատու-թյունների ձեռք բերած հաջողություները գիտա-հետազոտական աշխատանքների բը-նագավառում, որոնք ունեն տեսական և ակ-տուալ գործնական նշանակություն մեր ժո-ղովրդական տնտեսության հետագա զար-գացման համար:

Ընդհանուր ժողովն իր վերջին նիստում ընտրելու է Հայկական ՍՍՌ Գիտություննե-րի Ակադեմիայի իսկական անդամներ և հաստատելու է նոր թղթակից-անդամներ: Բացված է իսկական անդամության շորս ազատ տեղ. առաջադրված է 16 թեկնածու-թյուն— հինգը իսկական անդամության, 11-ը թղթակից-անդամության համար:

Թղթակիցների առաջադրմանը մասնակցե-լեն, բացի Սովետական Հայաստանի գիտա-կան հիմնարկներից, նաև Մոսկվայի, Թբիլի-սիի, Բաքվի գիտական հաստատությունները և առանձին գիտնականներ:

Հատկապես պետք է նշել ակադեմիկոսներ Վոլգինի, Իսաչենկոյի, Պալենովի, Պրասոլո-վի մասնակցությունն այդ գործում: Նրանք առաջադրել են մի շարք արժանավոր թեկնա-ծություններ:

Իսկական անդամության համար առաջա-դրվածների թվումն են ՍՍՌՄ Գիտություննե-րի Ակադեմիայի թղթակից-անդամ Եզրաս Հասրաթյանը, Հայկական ՍՍՌ Գիտություն-ների Ակադեմիայի թղթակից-անդամ Արտա-շես Շահինյանը, պատմական գիտություն-ների դոկտոր Աբդար Հովհաննիսյանը, և ուրիշները. թղթակից-անդամության համար՝ հայրենագարձ պրոֆեսոր-դոկտոր Մկրտիչ Տեր-Վարապետյանը, ֆիզիոլոգիական գիտու-թյունների դոկտոր Արարատ Ղարիբջանը, գյուղատնտեսական գիտությունների դոկտոր Գագիկ Դավթյանը և ուրիշներ:

Այս ընտրությունները մի նոր խթան կհան-գիստան հետազոտում է՝ ավելի լավ հիմ-քերի վրա դնելու Ակադեմիայի գործունեու-թյունը և գիտա-հետազոտական աշխատանք-ներում հասնելու նոր նվաճումների:

(ՀՀԳ)

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ

Նոյեմբերի 26-ին բացվեց Հայկական ՍՍՌ Գիտությունների Ակադեմիայի ընդհանուր ժողովի սեսիան: Ակադեմիայի պրեզիդենտ Վիկտոր Համբարձումյանը իր բացման խոս-քում շեշտեց, որ Ակադեմիայի հերթական աշխատաշրջանը, որը նվիրված է Հոկտեմ-

ԱԿԱԴԵՄԻԱՅԻ ՀՈՐԵԼՅԱՆԱԿԱՆ ՍԵՍԻԱՆ

բերյան Սոցիալիստական Մեծ Ռեւոլյուցիայի 30-ամյակին, զուգադիպում է Հայաստանում սովետական կարգերի հաստատվելու 27-րդ տարեդարձին: Նա հշեց պատմական վիթ-խարի նշանակություն ունեցող այն նվաճում-

ները, որով հայ ժողովուրդը դիմավորում է 27-րդ տարեդարձը:

Ապա անդրադառնալով Ակադեմիայի գործունեությանը նա ասաց:

— Ներկա սեսիան, համընկնում է նրեանում Գիտությունների Ակադեմիա հիմնելու 4-րդ տարեդարձին: Սովետական կառավարությունը գիտականների աշխատանքի համար ստեղծել է բոլոր պայմանները և այսօր մենք կարող ենք զեկուցել երկրին, բոլշևիկյան պարտիային, ընկեր Ստալինին, որ Հայկական ՍՍՏԻ Գիտությունների Ակադեմիան հաջողությունների է հասել, որոնք հատկապես նշանակալից են 1947 թվին: Այս տարում մի շարք կարևոր աշխատանքներ են կատարվել ֆիզիկայի, քիմիայի, մաթեմատիկայի, գեոլոգիայի, կառուցման գործի, միկրոբիոլոգիայի, բուսաբանության, գենետիկայի և այլ բնագավառներում: Ծնորհիվ նպատակաւաց աշխատանքի մեր գիտական հիմնարկները սկսել են արժեքավոր դիտական արտադրանք տալ:

Աճել է մեր նյութական բազան: Միայն այս տարվա ընթացքում ավարտվել ու շահագործման են հանձնվել շատ նոր գիտական լաբորատորիաներ. դրանք են բարձր լեռնային լաբորատորիան, Բյուրականի աստղադիտարանի աստղաբաշխական աշտարակը, կառուցումների ինստիտուտին կից մեծ լաբորատորիան, անասնապահական ինստիտուտին կից սպիտակուցների և ֆերմենտների լաբորատորիան և այլն: Մի շարք լաբորատորիաներ կառուցման պրոգնոստ են գրտնվում և շահագործման են հանձնվելու հաջորդ տարում: Լաբորատորիաների կահավորման համառ առկող հատկացումները 1949 թվին կհասնի 5 միլիոն ռուբլու, երկու անգամ ամիսի քան ընթացիկ տարում:

— Անհրաժեշտ է, — շարունակում է Վ. Համբարձումյանը, — մերացնել մեր աշխատանքում նկատվող բերուելունները, ավելի մոտ կանգնել արտադրության խնդիրներին:

— Մենք սովետական գիտականներս աշխարհի ամենաառաջավոր գիտության գիտականներն ենք, հանդուրժելի՞ է մեզ համար ստորաբարձրություն, օտարամոլություն: Իհարկե ոչ: Ահա մեր առջև է ամերիկյան տատաքաշիակա մամադիրը, ոտտեղ դեռեղմած է հունական աստղաբաշխների դիմումը Ամերիկայի աստղաբաշխներին: Նրանք խնդրում են իոնո համառ հաղուտեղեն, սննդիղեն, թղթի կոտտանք, որովհետև թուղթ չունեն, և վերջապես մատիտներ ուղարկել:

Ահա մյուս կողմից էլ Հայաստանի աստ-

ղաբաշխները, որոնք նպատակ են դրել իրենց աստղադիտարանում զետեղել աշխարհում խոշորագույն անաբաղադիր տեղեկալը:

— Բայց մենք, — շարունակում է Վ. Համբարձումյանը, — չենք հանգստանում մեր հաջողություններով: Տուրաքանչյուր գիտական պետք է ավելի պահանջկոտ լինի իր նկատմամբ. աշխատի ավելի մեծ արդյունքների հասնելու:

Ներկա սեսիան պետք է ընտրի Հայկական ՍՍՏԻ Գիտությունների Ակադեմիայի նոր իսկական անդամներ և թղթակից-անդամներ: Մենք հավատացած ենք, որ կընտրվեն գիտականներ, որոնք կօգնեն մեզ գիտական խոշոր պրոբլեմների լուծման գործում: Կասկած չկա, որ սովետական գիտականները կկատարեն իրենց պարտքը երկրի հանդեպ և կօգտագործեն իրենց տրամադրված հնարավորությունները, կօգնեն ժողովրդին կատարելու մեծ Ստալինին տված իր խոստումը՝ հնգամյակը շորս տարում իրականացնելու մասին:

Վ. Համբարձումյանի եզրափակման խոսքը ժողովականների կողմից ընդունվում է բուռն օւլացիայով՝ ի պատիվ ժողովրդների մեծ առաջնորդ ընկեր Ստալինի:

Ժողովում «Հոկտեմբերյան Սոցիալիստական Մեծ Ռեկուցիան և սովետական կարգերի հաստատումը Հայաստանում» թեմայի մասին զեկուցումով հանդես եկավ պատմական գիտությունների դոկտոր Մ. Ներսիսյանը:

Հոկտեմբերյան Սոցիալիստական Մեծ Ռեկուցիան, — ասաց զեկուցողը, — նոր դարադուխ, սոցիալիզմի դարադուխ բացեց մարդկային հասարակության պատմության մեջ: Հոկտեմբերյան Ռեկուցիան միաժամանակ փրկեց նաև հայ ժողովրդին կաշկանդող իմպերիալիզմի շղթաները, ազատագրեց նորան կապիտալիզմի ճիրաններից, փրկեց ոչնչացումից, կյանքի կոչեց նրան ու նրա առաջ բացեց սոցիալիստական դարաքցման հեռանկարները: Մեծ Ռեկուցիայի կազմակերպիչներ և առաջնորդներ Վ. Ի. Լենինը և Ի. Վ. Ստալինը հանդիսացան հայ ժողովրդի ազատարարներ, Զեկուցողը մանրամասնորեն ցույց տվեց՝ արև մեծ ու վճռական դերը, որը խաղացել է հայ ժողովրդի մեծ բարեկամ Ստալինը Հայաստանում սովետական կարգեր հաստատելու, հայ ժողովրդի վերածնության կազմակերպման գործում:

Հայկական ՍՍՏԻ Գիտությունների Ակադեմիայի իսկական անդամ և Ակադեմիայի պրեզիդենտ Վ. Համբարձումյանը զեկուցեց

«Աստղային սիստեմների վիճակագրական մեխանիկան» հետաքրքիր թեմայի մասին: Նա կանգ առավ իր դիտա-հետազոտական աշխատանքների արդյունքների վրա, որը նվիրված է վիճակագրական մեխանիկայի զարգացման մեթոդներին: Հիմնական եզրակացությունը, որը հանում է Վ. Համբարձումյանը, այն է, որ մեր աստղային սիստեմի բոլոր աստղերը չեն գոյացել մեկ էպոխայում:

Աստղերի առաջացումը, — ասում է նա, — շարունակվում է նաև ներկա ժամանակներում:

«Սևան լճի, Զանգուի և Արաքսի միջին հոսանքի ջրերի օգտագործման գլխավոր պլանի մասին» զեկուցեց տեխնիկական գիտությունների թեկնածու Մ. Լեբեդևը և հարակից ելույթ ունեցավ Հայկական ՍՍՌ Գիտությունների Ակադեմիայի իսկական անդամ Ի. Նոյազարյանը: Զրեքի օգտագործման այդ գլխավոր պլանի համաձայն Սևան լճի ջրային ռեժիմի փոփոխումից հետո ստեղծվում է միասնական ջրա-էներգետիկ սիստեմ, որն ապահովելու է Արարատյան դաշտավայրի 225 հազար հեկտար հողերի ոռոգումը և ավելի քան 4,5 միլիոն կիլովատ-ժամ էլեկտրոէներգիայի արտադրությունը:

«Սովետական հայագիտության հիմունքները» թեմայի մասին զեկուցում տվեց ֆիզիոգիական գիտությունների դոկտոր Ա. Ղարիբյանը: Ակադեմիայի ընդհանուր ժողովում լսվեցին նաև Հայկական ՍՍՌ Գիտությունների Ակադեմիայի իսկական անդամ Հ. Բուխարյանի զեկուցումը «Բիոգենամենների դերը օբյեկտիվ ապացուցման պրոցեսում» թեմայի մասին և Հայկական ՍՍՌ Գիտությունների Ակադեմիայի թղթակից-անդամ Մ. Չայլալյանի զեկուցումը «Բույսերի ծաղկումը անընդհատ մթնոլորտի մեջ» թեմայի մասին:

Հայկական ՍՍՌ Գիտությունների Ակադեմիայի հորեյանական ժողովում լսված զեկուցումները ցույց տվեցին Ակադեմիայի և նրա գիտա-հետազոտական հիմնարկների ձեռք բերած հաջողությունները գիտա-հետա-

զոտական աշխատանքի ծավալման բնագավառում, հաջողություններ, որոնք խոշոր ազդակ կհանդիսանան մեր ժողովրդական տնտեսության հետագա զարգացման ու բարելավման համար:

Իր վերջին նիստում Ակադեմիայի ընդհանուր ժողովը փակ (դադարի) քվեարկությամբ ընտրեց Հայկական ՍՍՌ Գիտությունների Ակադեմիայի իսկական անդամներ. — բիոլոգիական գիտությունների բաժանմունքի գրծով՝ ՍՍՌ Գիտությունների Ակադեմիայի թղթակից-անդամ, բիոլոգիական գիտությունների դոկտոր Ներսես Հասարաթի, Հասարակական, ֆիզիկո-մաթեմատիկական և տեխնիկական գիտությունների բաժանմունքի գրծով՝ Հայկական ՍՍՌ Գիտությունների Ակադեմիայի թղթակից-անդամ Արտաշես Լիսյարիտի Շահինյանին և հասարակական գիտությունների բաժանմունքի գրծով՝ պատմական գիտությունների դոկտոր Արզար Ռուբենի Հովհաննիսյանին:

Ընդհանուր ժողովը հաստատեց թղթակից-անդամների կազմը. հասարակական գիտությունների բաժանմունքի գրծով՝ ֆիզիոլոգիական գիտությունների դոկտոր Ա. Ս. Ղարիբյանին, գյուղատնտեսական գիտությունների բաժանմունքի գրծով՝ գյուղատնտեսական գիտությունների դոկտոր Գ. Ս. Դավթյանին և բնագիտական գիտությունների բաժանմունքի գրծով՝ հայրենադարձ գիտնական Մ. Ա. Տեր-Կարապետյանին:

Ակադեմիայի ընդհանուր ժողովը ջերմորեն պաշտպանեց Ի. Վ. Նոյազարյանի և Վ. Ա. Համբարձումյանի առաջարկությունը՝ Հայկական ՍՍՌ Գիտությունների Ակադեմիայի պատվավոր անդամ ընտրել Համալսարանական Գիտությունների Ակադեմիայի պրեզիդենտ Ս. Ի. Վալիյովին, նկատի ունենալով նրա աչքի ընկնող ծառայությունները սովետական գիտությանը և նրա ամենօրյա հոգատար փոքրահամար և օգնությունների տալու շնորհիվ:

Ս. Ի. Վալիյովը միաձայն ընտրվեց Հայկական ՍՍՌ Գիտությունների Ակադեմիայի պատվավոր անդամ:

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԴԵԼԵԳԱՅԻՆՆԵՐԻ ՄԵԼԵԳՈՒՄԸ ԹԻՖԼԻՍԻ

Հայկական և Վրացական ՍՍՌ Գիտությունների Ակադեմիաների միջև փոխադարձ կապը է՛լ ավելի ուժեղացնելու նպատակով զեկուցումներ վերջերին Թբիլիսի մեկնեց Հայկական ՍՍՌ Գիտությունների Ակադեմիայի հատուկ ղեկավարին:

Դելեգացիայի կազմի մեջ են՝ Հայկական

ՍՍՌ Գիտությունների Ակադեմիայի պրեզիդենտ, Ակադեմիայի իսկական անդամ Վ. Համբարձումյանը, Ակադեմիայի հասարակական գիտությունների բաժանմունքի ալկադեմիկոս-քարտուղար, Հայկական ՍՍՌ Գիտությունների Ակադեմիայի իսկական անդամ Ա. Հովհաննիսյանը, թղթակից-անդամ Ա.

Ղարիբջանը և Ակադեմիայի պատմության
ինստիտուտի ավագ գիտական աշխատող,

պատմական գիտությունների թեկնածու Ս.
Նրեմյանը: (ՀՀԳ)

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱՎԱԴԵՄԻԱՅԻ ԴԵԼԵԳԱՅԻԱՆ ԲԵՐԼԻՍԻՈՒՄ

Հայկական ՍՍՌ Գիտությունների Ակադեմիայի ղեկեղացիան, որի կազմի մեջ մտնում են Հայկական ՍՍՌ Գիտությունների Ակադեմիայի պրեզիդենտ Վ. Հ. Համբարձումյանը, Հայկական ՍՍՌ Գիտությունների Ակադեմիայի իսկական անդամ Ա. Ռ. Հովհաննիսյանը, Հայկական ՍՍՌ Գիտությունների Ակադեմիայի թղթակից-անդամ Ա. Ս. Ղարիբջանը և ավագ գիտաշխատող Ս. Տ. Նրեմյանը, մի քանի օր մնաց Քբիլիսիում:

Դեկեղացիայի նպատակն է—ուժեղացնել գիտական կապերը և աշխատանքի փորձի փոխանակումը եղբայրական երկու ռեսպուբլիկաների Գիտությունների Ակադեմիաների միջև:

Գիտական կապի և աշխատանքի փորձի փոխանակման խնդիրը քննարկվեց Վրացական ՍՍՌ Գիտությունների Ակադեմիայում խորհրդակցության ժամանակ:

Խորհրդակցությունը բաց արեց Վրացական ՍՍՌ Գիտությունների Ակադեմիայի հասարակական գիտությունների բաժանմունքի նախագահ, Ակադեմիայի իսկական անդամ Ա. Գ. Շանիձեն, որը նշեց եղբայրական երկու ռեսպուբլիկաների, որոնց ժողովուրդները հապաված են միմյանց հետ դարավոր բարեկամության կապերով, Գիտությունների Ակադեմիաների միջև աշխատանքի փորձի փոխանակման և մշտական կապի հաստատման խոշոր նշանակությունը:

Խորհրդակցության ժամանակ ելույթ ունեցան Հայկական ՍՍՌ Գիտությունների Ակադեմիայի պրեզիդենտ Վ. Հ. Համբարձում-

յանը, Վրացական ՍՍՌ Գիտությունների Ակադեմիայի պրեզիդենտ Ն. Ի. Մուսխելիշվիլին, Հայկական ՍՍՌ Գիտությունների Ակադեմիայի իսկական անդամ Ա. Ռ. Հովհաննիսյանը, Հայկական ՍՍՌ Գիտությունների Ակադեմիայի թղթակից-անդամ Ա. Ս. Ղարիբջանը, Վրացական ՍՍՌ Գիտությունների Ակադեմիայի Մադի անվան լեզվի ինստիտուտի գլխավոր, Ակադեմիայի իսկական անդամ Ա. Մ. Տոպուրիան, Վրացական ՍՍՌ Գիտությունների Ակադեմիայի Ռուսավելու անվան վրացական դրականության ինստիտուտի գլխավոր, Ակադեմիայի իսկական անդամ Կ. Ս. Կեկելիձեն, Վրացական ՍՍՌ Գիտությունների Ակադեմիայի իսկական անդամներ Ն. Ա. Բերձեշվիլիլին և Գ. Վ. Խաչապուրիձեն, ալադեմիկոս-քարտուղար Ի. Ն. Վեկուան, պրոֆեսոր Լ. Ն. Մեխիբեթ-բեկը:

Վրաստանի և Հայաստանի Գիտությունների Ակադեմիաների միջև կապը ուժեղացնելու համար մի շարք առաջարկներ մտցվեցին:

Որոշվեց 1948 թվի մայիսին Վրացական և Հայկական Գիտությունների Ակադեմիաների համատեղ գիտական սեսիա հրավիրել:

1948 թվի հունվարին Նրեան է մեկնելու Վրացական ՍՍՌ Գիտությունների Ակադեմիայի ղեկեղացիան:

Կազմակերպվում է ինֆորմացիաների փոխանակություն Գիտությունների Ակադեմիաների աշխատանքի մասին, ինչպես նաև գիտական գրականության փոխանակություն: (ՎՀԳ)

ՀՈԿՏԵՄԲԵՐՅԱՆ ՌԵՎՈԼՈՒՑԻԱՅԻՆ 30-ԱՍՅԱԿԻՆ ՆՎԻՐՎԱԾ ՑՈՒՑԱՆԴԵՍ

Նոյեմբերի 2-ին հրեանի նկարիչների տանը բացվեց Հայաստանի սովետական կերպարվածատագետների հոբելյանական ցուցահանդեսը, նվիրված Հոկտեմբերյան Սոցիալիստական Մեծ Ռևոլյուցիայի 30-րդ տարեդարձին: Հոբելյանական ցուցահանդեսին մասնակցում են ավելի քան 90 կերպարվածատագետներ՝ գեղանկարիչներ, քանդակագործ-

ներ, գրաֆիկներ, որոնք ներկայացրել են մոտ 300 աշխատանք:

Ցուցահանդեսում աչքի են ընկնում մեծ առաջնորդներ Լենինի և Ստալինի պորտրեներն ու կիսանդրիները. առանձնապես ուշադրավ է Ստալինյան մրցանակի լուրերատ Դ. Նալբանդյանի գործը՝ «Ստալինի պորտրեն»:

Հայաստանի կերպարվածատագետները մասնակցում են նաև Հոկտեմբերյան Մեծ Ռևոլյուցիայի 30-ամյակի առթիվ Մոսկվայում կազմակերպվելիք համամիութենական ցուցահանդեսին:

Համամիութենական գեղարվեստական ցուցահանդեսի հանձնաժողովը, իր նիստում քննության առնելով Հայաստանի կերպարվածատագետների ներկայացրած գործերը, ցուցահանդեսի համար ընդունել է Հայկա-

տանի 29 կերպարվեստագետների 57 գործ: Մեծ հավանություն են գտել Ստալինյան մրցանակի լաուրեատ, ռեապուբլիկայի ժողովրդական նկարիչ, ՍՍՌՄ Գեղարվեստից Ակադեմիայի իսկական անդամ Մ. Սարյանի, ռեապուբլիկայի ժողովրդական նկարիչներ Գ. Գյուլբյանի, Հ. Կոջոյանի և

նկարիչ Ա. Ղարիբյանի ներկայացրած գործերը: Հաջողությամբ են ընդունվել նաև երիտասարդ կերպարվեստագետներ Օ. Զարդարյանի, Ա. Բեքարյանի, Ն. Սավայանի, Բ. Քոլոզյանի, Թ. Չորեքչյանի, Ն. Նիկողոսյանի և ուրիշների գործերը:

ՀԱՅԱՍՏԱՆԻ ԿԵՐՊԱՐՎԵՍՏԱԳԵՏՆԵՐԻ ՄԻՈՒՅՈՒՆՈՒՄ

Նոյեմբերի 26-ին բացվեց Հայաստանի կերպարվեստագետների Միության երկրորդ համագումարը: Համագումարը իր վերջին նիստում ընտրեց Հայաստանի Սովետական կերպարվեստագետների Միության նոր վարչություն՝ 17 հոգուց բաղկացած: Վարչության նախագահ ընտրվեց Ստալինյան մրցանակի

լաուրեատ, ժողովրդական նկարիչ Մ. Սարյանը:

Կերպարվեստագետների Միության գլխավոր քարտուղար ընտրվեց արվեստի վաստակավոր գործիչ, քանդակագործ Արա Սարգսյանը, քարտուղարներ ընտրվեցին նկարիչներ Յ. Ազիզյանը և Ն. Հովհաննիսյանը:

ՍՍՌՄ ԳԵՂԱՐՎԵՍՏԻՑ ԱՎԱԴԵՄԻԱՅԻ ԸՆԴՀԱՆՈՒՐ ԺՈՂՈՎԻ ԱՌԱՋԻՆ ՍԵՍԻԱՆ

Երեքօրյա աշխատանքից հետո նոյեմբերի 24-ին փակվեց ՍՍՌՄ Գեղարվեստից Ակադեմիայի ընդհանուր ժողովի առաջին սեսիան: Ակադեմիայի պրեզիդենտ Ա. Մ. Գերասիմովը հրապարակեց ՍՍՌՄ Գեղարվեստից

Ակադեմիայի թղթակից-անդամների ընտրությունների արդյունքները:

Գաղտնի քվեարկությամբ ընտրված թղթակից-անդամների թվում է գտնվում նաև սովետական հայ նկարիչ, Ստալինյան մրցանակի լաուրեատ Դ. Ա. Նալբանդյանը:

ՇԱՀԱԳՈՐԾՄԱՆ ԵՆ ՀԱՆՁՆՎՈՒՄ ԿՈԼԽՈՋԱՅԻՆ ՆՈՐ ԱՎՈՒՄԲԵՐ

Հայկական ՍՍՌ Միներալների Սովետին կից կուլտուր-լուսավորական հիմնարկների գործերի կոմիտեն լայն օգնություն կազմա-

կերպելով ռեսպուբլիկայի կոլխոզներում ծավալվող ագրամաշինարարությանը, այդ ասպարեզում զգալի նվաճումների է հասել:



Ներքին Ախտայի կոլխոզային ակումբը
կառուցված կոլխոզիկ Հ. Ավետիսյանի ճախագծով

Կատարված աշխատանքների շնորհիվ շահագործման են հանձնվում Ախտայի շրջանի Ն. Ախտա, Սուլակ, Բջնի, Ֆանտան, Գյումուշգես գյուղերի կոլխոզային ակումբները: Սովետական Հայաստանի 27-րդ տարեդարձի տոնական օրերին շահագործման են հանձնվել նաև Թալինի շրջանի՝ Աշնակ, Այնալու, Վ. Սասունաշեն, Ստեփանավանի շրջանի՝ Կաթնաղբյուր, Վարդարուր, Հոբարձի, Հոկտեմբերյանի շրջանի՝ Սովետական, Ապարանի շրջանի՝ Բլիներ, Քասախ, Արտաշատի շրջանի Զովաշեն, Բամբակավան, Աշտարակի շրջանի՝ Կոշ, Ագարակ, Սասունիկ, Ղովաս-

յանի շրջանի՝ Թաղաղբյուր, Զուլաղբյուր, Վարդաղբյուր, Մարտունու շրջանի՝ Գևտաշեն, Վարդենիկ, Աստղածոր գյուղերի կոլխոզային ակումբները:

Կոլխոզային նորակառույց ակումբներ շահագործման են հանձնվելու նաև Էջմիածնի, Կոտայքի, Սիսիանի, Ամասիայի, Միկոյանի, Բասարգեշարի, Սպիտակի, Սևանի, Ղարաբաղարի, Արթիկի, Նոր Բայազեդի, Ալազյազի, Գորիսի, Կալինինոյի, Շամշադինի, Վեդիի, Ալավերդու, Ախուրյանի և Աղիգեղկովի 34 կոլխոզներում:

ԵՐԳԵՑԻԿ ԿԱՊԵԼԼԱՅԻ ԵԼՈՒՅՐԸ

Նույեմբերի 2-ին Հայֆիլհարմոնիայի համերգային դահլիճում տեղի ունեցավ նորաստեղծ քառաձայն երգեցիկ կապելլայի առաջին համերգը:

Կապելլան ղեկավարում է ռեսպուբլիկայի ժողովրդական արտիստ Թ. Ալթոնյանը: Խումբը բաղկացած է 80 մարդուց: Առաջին համարում խումբը կատարեց Ալեքսանդրովի «Կանտատա Ստալինի մասին»: Այնու-

հետև կատարվեց սովետահայ կոմպոզիտորների նոր գործերը՝ Կ. Զաքարյանի «Տար շատ բարև», Արտ. խաչատրյանի «Կոմերիտական», Ա. Տեր-Ղևոնդյանի «Երգ Մոսկվայի մասին», Բացի այդ կապելլան կատարեց նաև հայ երաժշտության կլասիկների ստեղծագործություններին:

Կապելլայի առաջին ելույթը ընդունվեց ջերմորեն:

ԼԵՆԻՆԻ ՀՐԱՊԱՐԱԿԻ ԸՆԴԱՐՁԱԿՈՒՄԸ

Ավսիլ են Լենինի հրապարակի ընդարձակման աշխատանքները Երևանում: Վերացվում են փոստի հին շենքը և նրան կից բնակելի տունը: Այդ շենքերի վերացումից հետո հրապարակի ազատված մասը առաջատարատվելու և վերջնական ձևավորում

է ընդունելու:

Կառավարական Տան և կապի տան միջև անցնելու է Միկոյանի պողոտայի կառուցվող շարունակությունը, որը այսպիսով Լենինի հրապարակը կկապի երկաթուղային կայարանի հետ:

ԳՈՐԾՈՂ ՁԵՌՆԱՐԿՈՒԹՅՈՒՆՆԵՐԻ ԾԱՐՔՆ ԱՆՑԱՎ ՀԱԽԱՊԱԿՈՒ ԳՈՐԾԱՐԱՆԸ

Հայկական ՍՍՌ արդյունաբերության գործող ձեռնարկությունների շարքն անցավ ստալինյան նոր հնգամյակի նորակառույց երևանի Հախճապակու գործարանը:

Փորձարկումը տվեց հիանալի արդյունք. ստացվեցին առաջին հախճապակյա իրերը, որոնք իրենց որակով չեն զիջում Միության

առաջավոր գործարանների արտադրանքին: Չորժարանում արտադրելու են տարեկան 800 հազար տնտեսական իրեր՝ թեյի և ճաշի ափսեներ, բաժակներ, ջրի գավաթներ, թեյամաններ և այլն: Բացի այդ, արտադրվելու են մեծ քանակությամբ սառիտարական և տեխնիկական գործածության իրեր:

ԱՂՔՈՒՐ-ՀՈՒՇԱՐՁԱՆ

ՎԵՐԻ.— Դեկտեմբերի վերջերին Կիրովի անվան սովխոզում շահագործման հանձնվեց երևանից Նախիջևան տանող խճուղու եզրին կառուցված նոր աղբյուր-հուշարձանը: Աղ-

բյուրը կառուցված է բազալտից և կալմիր տուֆից ու զարդարված է հայկական կլասիկ ճարտարապետության ոճով և օրնամենտներով:

